

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0050723 22
Zenica, 26.03.2025. godine**

**OPĆINSKOM SUDU U ZENICI
-Sudiji za prethodno saslušanje-
ZENICA**

Na osnovu člana 45. stav 2. tačke i) u vezi sa članom 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem

O P T U Ž N I C U

Protiv:

B. Š., neosuđivana, ne vodi se krivični postupak za drugo krivično djelo,

što je:

dana 16.10.2022. godine, oko 16,15 sati, na području grada Zenica, u mjestu O., upravljajući putničkim motornim vozilom marke „...“, tip „...“ registarskih oznaka „...“, krećući se regionalnim putem Zenica - Ovnak iz smjera Ovnaka prema Zenici, vozila neoprezno i nedovoljno pažljivo, jer nije obratila pažnju na pješake koji se nalaze na kolovozu ili stupaju na kolovoz iako je to, s obzirom na vremenske i sobračajne uslove mogla učiniti, svjesna da tako vozeći može ugroziti javni promet i dovesti u opasnost živote ljudi i imovinu, ali je olako držala da zabranjena posljedica neće nastupiti ili da će je moći spriječiti, pa je postupajući suprotno odredbama člana 28. stav 1. Zakona o osnovima bezbjednosti saobraćaja na putevima u Bosni i Hercegovini ("Službeni glasnik Bosne i Hercegovine", brojevi: 6/2006, 75/2006 - ispr, 44/2007, 84/2009, 48/2010, 48/2010 - dr. zakon, 18/2013, 8/2017, 89/2017, 9/2018, 46/2023 i 88/2023), vozeći se na dijelu puta kod broja 22, propustila pravovremeno zaustaviti svoje vozilo pred pješakom, mldb. E.U. (...) koja se kretala uz samu ivicu kolovoza, a zatim krenula prelaziti kolovoz sa lijeve na desnu stranu, pa je vozeći tako prednjim lijevim dijelom vozila udarila mldb. E.U., ugrozivši time sigurnost javnog prometa, usljed čega je E.U. zadobila višestruke traumatske povrede, razdersonagnječnu ranu glave tjemenom desno, linijski prelom desne lijepoočne kosti, istegnuće mišića vrata, razdor tkiva desnog bubrega, nakupinu krvi ispod kapsule desnog bubrega, prelom desne ključne kosti i prelom zglobove plohe desnog kuka koje povrede u svom sveukupnom djelovanju na život i zdravlje E.U. predstavljaju teške tjelesne povrede opasne po život,

dakle, kao učesnik u saobraćaju na putevima koji se ne pridržava saobraćajnih propisa, time tako ugrozila javni saobraćaj, da je dovela u opasnost živote ljudi, pa je zbog toga prouzrokovala teške tjelesne ozljede jedne osobe,

čime je počinila krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. Krivičnog zakona Federacije

Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 31/2023, u daljem tekstu "KZ F BiH").